


Bibel fa Kjinja

brinj't junt

Jesus de Gooda Liera



Jeschräwen von: Edward Hughes
Jemolt von: Byron Unger un Lazarus
Toom Pauss jestalt von: E. Frischbutter un Sarah S.
Äwasat von: Ed Zacharias
Alastair Paterson
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.


Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.

1



Jesus wia
een gooda Liera, de
basta. Väle Menschen horchten no
am. Jesus säd see sullen leefstolich,
jnadich un goot sennen. Aundre
wudden an veleicht steeten un
hassen; Gott wudd an halpen.


2




Jesus lieed an vâl. Hee säd wie sullen de Welt oppdachen, soo aus een Taulchlicht een Hus oppdacht. Soon kjlienet Licht halpt vâl en eene diestra Stow.

3

De Menschen to woone Jesus räd jleewden aun trigj-tolen: "Een Uag fa een Uag, un eene Tän fa eene Tän." Oba Jesus lieed an leewen, vejäwen un leeftolich sennen, soogoa to Fiend.



4



To Jesus siene Tiet jeewen eenje Menschen dän Schien daut see sea heilich wieren. Wan see Oame waut gauwen, leeten see een Trompeet blosen, soo daut aule daut sagen. Jesus säd, "Jeff em Jeheemen, Gott woat die beloonen."

5

Jesus säd uk soont wäjjen bäden. Eenje bäden oppe Gaussen Akj soo daut aule daut hieren un seenen sullen. See dochten nich aun Gott; bloos aun waut andre von an denkjen wudden. Jesus säd dee hauden de Menschen waut vää-jemoakt, ooda jeheichelt.



6

Jesus brukt foaken een Bilt vonne Natua wan hee lieed. Hee säd, "Kraajt soo aus Gott de Väajel äten jeft, soo sull wie nich duaren. Gott woat ons toom äten jäwen."



7

"De Kjennich Salomo wia nich soo schmock aunjetrocken aus eene Lelje," säd Jesus. "Wan Gott de Plaunten oppe Stap soo kjleeden deit, woat hee junt dan nich uk kjleeden?" Jesus lieed an daut see sikj opp Gott veloten sullen fa aules waut an fäld.



8

Jesus säd, "Wan wää sien Brooda beschulcht, es daut aus wan eena wäm een Spoon utem Uag well nämen, wan eena selfst een Stekj Holt em Uag haft." Eenje lachten, doch see musten nodenkjen waut hee jemeent haud.



9

Jesus säd Menschen sullen Gott froagen toom an halpen. Wudd een menschliche Voda een Kjint een Steen jäwen wan dee no Broot fruach? Nä! Dee wudd waut goodet jäwen. Gott jeft uk goodet wan wää frajcht.



10

Jesus, de goda Liera, woarnd jaaen faulsche Liera. "Dee wiesen sikj en Schops-kjleeda," säd Jesus, "oba von bennen sent daut Wilw!" Hee säd faulsche Liera wudd wie von ääre Doten kjanen.




11

En eene Jeschicht weess Jesus daut Menschen dee Gott jehuarsom wieren, wieren soo aus eena dee sien Hus opp faustet Steen bud. Uk en eenen grooten Storm stunt daut faust.



12

Oba een onvestendja Maun bud sien Hus opp Saunt. Aus de Storm kjeem, bruk daut twei; daut haud nich een fausten Grunt. Wää Gott nich jehorcht, säd Jesus, es soo aus dee Maun.



13

De Lied wundaden sikj äwa waut Jesus säd. Soont hauden see nich ea jehieet. Nu wisten see daut Gott sien Wuat hieren es nich jenuach; wie motten daut jehuarsom sennen.



14

Jesus de Gooda Liera


Eene Jeschicht von en daut Wuat Gottes,
de Bibel

finjt eena en

Matäus 5-7, Lukas 6

"Wan dien Wuat openboat woat,
jeft daut Licht." Psalm 119:130

15



42



60

16

Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlijchtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

17